



**Republika e Kosovës**  
**Republika Kosova – Republic of Kosovo**  
**Këshilli Prokurorial i Kosovës - Tužilački Savet Kosova – Kosovo Prosecutorial Council**

**MEKANIZMI I RAPORTIMIT**  
**TË KRYEPROKURORËVE TË PROKURORIVE THEMELORE**  
**NË KËSHILLIN PROKURORIAL TË KOSOVËS**

**I. PJESA E PËRGJITHSHME:**

Emri, mbiemri Kryeprokurorit		Prokuroria		Periudha raportimit		Nënshkrimi						
Numri i prokurorëve dhe stafit administrativ në prokurori:		Kryeprokurori:		1	Administratori:		1					
		Nr. i prokurorëve në DKR:		14	Bashkëpunëtorë profesional:		27					
		Nr. i prokurorëve në DM:		7	Zyrtar ligjor:		44					
		Nr. i prokurorëve në DP:		25	Stafi tjetër:		50					
		Totali:		47	Totali:		122					
A) Numri i kallëzimeve penale të pranuar:		B) Numri i kallëzimeve penale të proceduara (zgjidhura/kryera):		C) Përqindja e rasteve të proceduara (B%A)		D) Ngarkesa me lëndë						
2.565		2.185		85.18%		47.661						
Mënyra e zgjidhjes së lëndëve nga prokurori:	Aktakuza të ngritura:	Hudhje të kallëzimit penal:		Pushim i hetimeve:		Mënyrë tjetër:						
	1.527	281		161		71						
Mënyra e zgjidhjes së lëndëve nga gjykata:	Aktakuza të hudhura:	Aktakuza të refuzuara		Aktgjykime liruese		Aktgjykimi dënues						
	276 (parashkrim)	8		7		502						
<b>Ankesa kundër aktgjykimit</b>				<b>Ankesa kundër aktvendimit</b>								
Të aprovuara		Të refuzuara		Të aprovuara		Të refuzuara		Në pritje				
5		11		5		8		12				
<b>Arritshmëria e normës orientuese të prokurorëve, për periudhën kohore të raportimit:</b>												
Departamenti për Krime të Rënda:		%		6 raste në muaj është norma e prokurorit në DKR,								
Departamenti për të Mitur:		%		10 raste në muaj është norma e prokurorit në DKR,								
Departamenti i Përgjithshëm:		%		23 raste në muaj është norma e prokurorit në DKR,								
Arritshmëria e normës në Prokurori:		%		Mesatarja (3/1) e përqindjet në prokurori								
<b>Performanca e prokurorisë në luftimin e Korrupsionit (Paditë Penale 'PP'). Shëno të dhënat në tabelë:</b>												
Raste të pranuar;		Raste të kryera:		Ngarkesa me raste:	Hudhje	Pushim	Janë ngritur Aktakuza	Aktakuza hudhura	Aktakuza të refuzuara	Aktgjyqi me liruese	Aktgjykimi dënues	
R <sup>1</sup>	P <sup>2</sup>	R	P	R	P	Persona	Persona	Persona	Persona	Persona	Persona	
24	63	11	31			3	21	13	/	/	1	2

<sup>1</sup> 'R' - nënkupton rastet (kallëzimet penale)

<sup>2</sup> 'P' - nënkupton personat në kallëzime penale

Performanca në sekustrimin dhe konfiskimin e pasurisë së paligjshme. Shëno të dhënat në tabelë:				
Kërkesa të aprovuara për dhënie të urdhrave për sekustrim të përkohshëm	Kërkesa të aprovuara për konfiskimin e pasurisë dhe mjeteve financiare	Kërkesa të aprovuara për dhënie të aseteve në shfrytëzim të qeverisë	Kërkesa të aprovuara për dhënie të aseteve në administrim të AAPSK	Kërkesa për kompenzimin e palës së dëmtuar nga mjetet e konfiskuara
6 ne DKR dhe 11 DP				

## II. POLITIKAT DHE PRIORITETET E SISTEMIT PROKURORIAL:

1	<p>Niveli i organizimit, menaxhimit, administrimit dhe funksionimit të prokurorisë? Komento:</p> <p>Gjatë periudhës raportuese, organizimi, menaxhimi, administrimi dhe funksionimi i Prokurorisë Themelore në Prishtinë, ka qenë në nivele të duhura dhe të kënaqshme.</p> <p>Zyra e Kryeprokurorit të PTH në Prishtinë ka funksionuar çdo ditë me orar të plotë të punës. Kryeprokurori ka organizuar dhe mbajtur kolegji me rregullta (periodike) me prokurorët e departamenteve të ndryshme. Përveç kësaj, ai ka qenë i gatshëm gjithmonë që të presë në konsultime prokurorët dhe hetuesit dhe të bashkëpunojë me ta për raste më të ndërlikuara. Përveç kësaj, kujdestarët në të gjitha departamentet kanë funksionuar në nivel shumë të mirë dhe reagimi i prokurorëve kujdestarë, përgjithësisht ka qenë i shpejtë dhe efektiv në trajtimin e rasteve të paraqitura.</p> <p>Nga prokurorët kujdestarë është kërkuar të mbajnë të informuar Udhëheqësin e Departamentit përkatës, si gjatë kujdestarisë edhe pas çdo përfundimit të kujdestarisë. Të njëjtëve vazhimisht iu është ofruar mbështetje si nga kryeprokurori ashtu edhe nga udhëheqësit.</p> <p>Në përgjithësi, mbarëvajtja e procesit të punës ka qenë e suksesshme.</p> <p>Më tej, mund të gjeni të dhënat rreth organizimit të PTH në Prishtinë.</p> <p>PTH në Prishtinë është prokuroria më e madhe në Republikën e Kosovës. Kjo prokurori ka afro 60% të lëndëve në nivel të vendit dhe mbulon 34% të territorit të Republikës së Kosovës.</p> <p>Struktura organizative e PTH në Prishtinë është si vijon:</p> <ul style="list-style-type: none"> <li>- Kryeprokurori, si udhëheqësi më i lartë i institucionit,</li> <li>- Departamenti i Krimeve të Rënda - katërmëdhjetë (14) prokurorë,</li> <li>- Departamenti për të Mitur - shtatë (7) prokurorë,</li> <li>- Departamenti i Përgjithshëm - njëzet e pesë (25) prokurorë.</li> </ul> <p>Po ashtu, në kuadër të Prokurorisë janë themeluar dy njësite të veçanta, të cilat trajtojnë lëndë të natyrës më specifike, dhe atë:</p> <ul style="list-style-type: none"> <li>- Njësi për Krime Ekonomike dhe Korrupsion;</li> <li>- Njësi për trajtimin e rasteve të Dhunës në Familje;</li> </ul> <p>Përveç kësaj, janë caktuar prokurorët si koordinatorë për vepra penale të caktuara, ashtu që:</p> <ol style="list-style-type: none"> <li>1. Koordinator për rastet e Dhunës në familje është caktuar prokurorja Shenaj Berisha,</li> <li>2. Koordinator për veprat penale të Narkotikëve është caktuar prokurori Besnik Jakupi,</li> </ol>
---	---

3. *Koordinator për procedurën e Bashkëpunimit Juridik Ndërkombëtarë* nga Departamenti i Krimeve të Rënda është caktuar prokurori Armend Hamiti ndërsa nga Departamenti i Përgjithshëm është caktuar prokurori Blerim Igrishta,
4. *Koordinator për veprat penale të Trafikimit me Qenie Njerëzore* është caktuar prokurori Ilaz Beqiri,
5. *Koordinator për procedurën e Sekuestrimit dhe Konfiskimit* nga radhët e Departamentit të Përgjithshëm është caktuar prokurori Bekim Kodralin, nga radhët e Departamentit të Krimeve të Rënda është caktuar prokurori Bashkim Zeqaj.
6. *Koordinator për rastet e krimeve kibernetike*, është caktuar prokurori Arianit Salihu.

Mbështetur në Rregulloren për organizimin e brendshëm të Prokurorit të Shtetit, Administrata ka këtë strukturë organizative:

- Administratori/ja;
- Udhëheqësi i Sektorit të Shkrimes;
- Bashkëpunëtorët profesional;
- Zyrtarët ligjorë;
- Sekretarët juridikë;
- Referentët;
- Arkivistët;
- Përkthyesit;
- Fletëdorëzuesit;
- Receptionsistët;
- Vozitësit;

2 Çështjet e avancimit dhe transferimit të prokurorëve?  
 Komento:  
 Gjatë kësaj periudhe nuk kemi pasur avancime/transferime të prokurorëve të PTH Prishtinë.

3 Çështjet e përgjegjësisë disiplinore të prokurorëve apo stafit mbështetës?  
 Komento:  
 Fillimisht vitin 2021, e kemi përmbyllur me tridhjetë e një (31) lëndë disiplinore të pranuar nga palët dhe të iniciuar sipas detyrës zyrtare.  
 Në periudhën Janar- Mars 2022, kemi pranuar pesë (5) raste të reja për iniciim të procedurës disiplinore dhe atë:  
 AD.nr. 01/2022, rast i iniciuar nga pala, mirëpo e deleguar në kompetencë në PTH Mitrovicë,  
 AD.nr. 02/2022, jemi njoftuar nga vet prokurori i PTH Prishtinë, raستی me kërkesë për iniciim procedurës disiplinore,  
 AD.nr. 03/2022, rast i iniciuar sipas komunikatës së KPK-së, ende në shqyrtim,  
 AD.nr. 04/2022, rast i iniciuar nga Komisioni për vlerësim të performancës, raستی me kërkesë për iniciim të procedurës disiplinore,  
 AD.nr. 05/2022, rast i pranuar nga një organizatë, ende në shqyrtim.  
 Rastet e trashëguara nga viti 2021:  
 AD.nr. 24/2021, rast i pezulluar, në vitin 2022 është iniciuar kërkesa për iniciim të procedurës disiplinore  
 AD.nr. 31/2021, është marrë vendim Hudhje në vitin 2022.

Ndërsa sa i përket stafit mbështetës në këtë periudhën raportuese, është shqiptuar një (1) masë disiplinore Vërejtje me shkrim, për staf administrativ.

4 Çështjet e vlerësimit të punës së prokurorëve përfshirë mospajtimet e prokurorëve?  
Nivelet e vlerësimit të prokurorëve si dhe tejkalimi kuotës 20% të dalluar?  
Komente:

Sipas Rregullores Nr. 05/2020 për Vlerësimin e performancës së prokurorëve, me dt. 25.01.2022 është realizuar vlerësimi i performancës së prokurorëve dhe atë:  
Vlerësimi i DALLUAR, gjithsej: 3 prokurorë.  
Vlerësimi MIRË, gjithsej: 27 prokurorë.  
Vlerësimi MJAFTUESHËM, gjithsej: 10 prokurorë.  
Vlerësimi PAMJAFTUESHËM, gjithsej: 5 prokurorë.

Ndërsa, lidhur me procesin e vlerësimit të performancës së prokurorëve për vitin 2021, në Prokurori Themelore në Prishtinë, brenda afatit, janë paraqitur gjithsej shtatë (7) mospajtime nga prokurorët.  
Dhe atë:

Dy mospajtime nga radhët e prokurorëve në DKR,  
Një mospajtim nga radhët e prokurorëve në DPM dhe  
Katër mospajtime nga radhët e prokurorëve në DP.

5 Çështjet e rasteve të ndërlikuara dhe vendimet nga Kryeprokurori për njohjen e këtyre rasteve ?  
Komente:

Me dt. 31.03.2022, përmes vendimit PP.Lnr. 127k/2019, bazuar në Udhëzimin Administrativ nr.01/2018, për caktimin e normës orientuese për prokurorët e shtetit të dt. 12.02.2018, lënda e evidentuar me numër PP.Lnr. 127k/2019, prokurorit të rastit i është llogaritur si pesë (5) lëndë të kryera.

6 Ankesat ndaj shqiptimit të sanksionit penal të shqiptuar (Udhëzimi i Kryeprokurorit të Shtetit mbi rolin dhe kontributin e prokurorit të shtetit në matjen e dënimit) ?  
Komente:

Nga praktika e përcjellë për rastet penale të paraqitura nga Prokuroria Themelore në Prishtinë, është vërejtur se gjykata aplikon dënim më të ulët duke mos përfshirë rrethanat rënduese dhe se nuk ka praktikë të unifikuar lidhur me rastet e njëjta. Kjo situatë vlen edhe për rastet e natyrës së korrupsionit, ku politika ndëshkimore për rastet në aktgjykimet e korrupsionit është shabllone, me arsyetime në mënyrë të përgjithshme dhe dënime të ulëta që nuk korrespondojnë me aktakuzën e shkresat e lëndës që prokurorët e PTH në Prishtinë i dërgojnë në gjykatë.

Për të vënë në zbatueshmëri Udhëzimin e Kryeprokurorit të Shtetit mbi rolin dhe kontributin e prokurorit të shtetit në matjen e dënimit, Kryeprokurori i PTH në Prishtinë është vazhdimisht vigjilent ndaj aktgjyqimeve, veçanërisht të lëndëve që bien në domenin e Departamentit për Krime të Rënda. Kryeprokurori i ka udhëzuar prokurorët e rasteve/përfaqësues që të ushtrojnë ankesë, çdo herë që sanksionet penale të shqiptuara nuk janë adekuate apo të mjaftueshme. Në kolegjiunet e mbajtura me prokurorët e të gjitha departamenteve, Kryeprokurori ka qenë i zëshëm për të adresuar problematikën e politikës ndëshkimore të gjykatës, ashtu që i ka tërhequr vërejtjen të gjithë prokurorëve që të analizojnë aktgjykimet dhe dënimet me kujdes dhe të vlerësojnë mundësinë për të paraqitur ankesë.

Prokurorët nga muaji prill I vitit 2021 janë pajisur me Udhëzimin e Kryeprokurorit të Shtetit mbi rolin dhe kontributin e prokurorit të shtetit në matjen e dënimit, prokurorët janë udhëzuar që ta lexojnë dhe analizojnë me kujdes përmbajtjen e këtij udhëzimi dhe ta zbatojnë përpikmërisht sa herë që paraqitet e nevojshme për të ushtruar ankesë ndaj sanksionit penal të shqiptuar.

7 Zbatimi i politikave, standardeve dhe udhëzimeve sa i përket trajnimit të prokurorëve dhe personelit? Cilat janë kriteret e përzgjes së prokurorëve mentorë për prokurorët fillestar?

Komento:

Në këtë periudhë raportuese prokurorët janë angazhuar në pjesëmarrje në trajnime dhe atë:

Me dt. 22-23.03.2022, është mbajtur trajnimi 'Menaxhimi dhe Hetimi i Vendit të Ngjarjes' në të cilin kanë marrë pjesë 2 prokurorë nga DP,

Me dt. 10-11.03.2022, në trajnimin e fundit për gjyqtarë dhe prokurorë i organizuar nga Projekti i BE për Mbështetje ndaj Autoritetit të Konkurrencës dhe Komisionit të Ndihmës Shtetërore në të cilin ka marrë pjesë 1 prokurorë i Njësitit për Krime Ekonomike dhe Korrupsion,

Me dt. 28.02-01.03.2022, në trajnimin 'Dhuna psikologjike në marrëdhëniet e partnerëve intim nga aspekti i legjislacionit të Kosovës dhe Konventës së Stambollit', i organizuar nga Misioni i EULEX në Kosovë, në të cilin ka marrë pjesë 1 prokurorë në DP,

Me dt. 11.02.2022, në trajnimin e organizuar nga Akademia e Drejtësisë me temë 'Angazhimi i fëmijëve në forma të rënda të punës dhe punë të detyruara' në të cilin ka marrë pjesë 1 prokurorë nga DPM, si dhe

Me dt. 08-11.02.2022, në trajnimin e organizuar nga Akademia e Drejtësisë, me temë 'Krimi Kibernetikë', në të cilin ka marrë pjesë 1 prokurorë nga DP,

Ndërsa në këtë periudhë kemi angazhuar prokuror të tjerë dhe atë:

Me dt. 28-29 Prill 2022, për trajnimin e fundit për gjyqtarë dhe prokurorë i organizuar nga Projekti i BE për Mbështetje ndaj Autoritetit të Konkurrencës dhe Komisionit të Ndihmës Shtetërore do të marrin pjesë tre prokurorë nga DP,

Me dt. 22.04.2022, përmes Ambasadës Amerikane do të mbahet trajnimi 'Cyber Forensics Tools' në të cilin do të marrin pjesë 26 prokurorë të të gjitha Departamenteve,

Me dt. 04-07.04.2022, përmes Komisionit Evropian do të mbahet trajnimi regional 'Regional Judicial Training of Trainers on Electronic Evidence for Judges and Prosecutors', në të cilin do të merr pjesë 1 prokurorë nga DP,

Me dt. 16-20.05.2022, përmes Akademisë së Drejtësisë dhe UNDP, do të mbahet trajnimi 'Rikuperimi i pasurive të vjedhura' në të cilin do të merr pjesë 1 prokuror nga Njësi për Krime Ekonomike dhe Korrupsion.

Gjatë periudhës raportuese nuk ka pasur prokurorë me mandat fillestar të cilët kanë qenë në vijim të trajnimit një (1) vjeçar praktik (të mentorimit), andaj dhe nuk ka qenë e nevojshme që të përzgjedhin prokurorët mentorë. Megjithatë, kriteret e përzgjedhjes së prokurorëve mentorë në të kaluarën, janë mbështetur në disa elemente, siç janë: përvoja dhe vjetërsia e prokurorëve në sistem, profesionalizmi, etika dhe integriteti personal dhe aftësia për bashkëpunim kolegjial.

	<p>Ndërsa sa i përket personelit në PTH Prishtinë është parë shumë e nevojshme që të organizohen trajnime të temave të cilat prekin punën e përditshme të stafit, ashtu që në këtë periudhë me dt. 29-31.03.2022, 5 bashkëpunëtorë profesional dhe 1 zyrtar ligjor kanë marrë pjesë në trajnimin e organizuar nga Akademia e Drejtësisë në bashkëpunim me UNDP-në me temë 'Pjesa e përgjithshme dhe e posaçme e të drejtës Penale'.</p> <p>Trajnim i organizuar nga IKAP, me temë 'Korniza ligjore dhe teknikat e përafrimit të legjislacionit vendor dhe atë të BE-së', me dt. 16-18.03.2022, në të cilin kanë marrë pjesë 4 bashkëpunëtorë profesional.</p>
8	<p>Niveli i zbatimit të Kodit të Etikës profesionale për prokurorë dhe stafin administrativ? Komento:</p> <p>Gjatë ushtrimit të funksionit të tyre, përgjithësisht prokurorët i respektojnë të gjitha standartet e sjelljes konform Kodit të Etikës, si brenda ashtu edhe jashtë zyrës dhe kjo reflektohet pozitivisht në veprimtarinë e tyre profesionale. Përfundimisht, për prokurorët të cilët ka pasur pretendime se nuk e kanë respektuar <u>Kodin e Etikës Profesionale, janë inicuar procedura disiplinore përmes ankesave të pranuar nga palët.</u> Përveç kësaj, për secilin prokuror ekziston dosje individuale, ku deponohen shënime rreth veprimeve të tyre, e të cilat mund të kenë rol në vlerësimin e performancës vjetore.</p> <p>Sa i përket stafit mbështetës gjatë periudhës raportuese, në përgjithësi niveli i zbatimit të Kodit të Etikës Profesionale ka qenë i kënaqshëm.</p>
9	<p>Niveli i pavarësisë së prokurorëve që të veprojnë në mënyrë të pavarur, profesionale dhe të paanshme gjatë kryerjes së funksioneve prokuroriale? Komento:</p> <p>Për periudhën raportuese, prokurorët e PTH në Prishtinë e kanë kryer funksionin e tyre në mënyrë të pavarur, në bazë të vlerësimit të saktë të fakteve dhe në përputhje me Kushtetutën, si dhe në zbatim të drejtë të ligjit, duke mos u ndikuar nga brenda dhe jashtë.</p> <p>Kryeprokurori vazhdimisht u ka tërhequr vëmendjen prokurorëve që të shmangin çdo përpjekje të parregullt dhe të paligjshme, e cila mund të ndikojë në vlerësimin dhe vendimmarrjen e tyre.</p>
10	<p>Zbatimi i politikave të KPK dhe ZKPSH, në luftimin e kriminalitetit për veprat penale karakteristike të Mekanizmit Përcjellës Ndërinstitucional ? Komento:</p> <p>Përgjatë periudhës së raportimit, një theks i veçantë i është dhënë ndjekjes penale të veprave karakteristike. Në kolegjiunet e mbajtura, shpeshherë këto vepra penale kanë qenë temë diskutimi dhe prokurorët janë udhëzuar që t'i trajtojnë me prioritet këto kategori të lëndëve.</p> <p>Sa i përket regjistrit të lëndëve me kryerës të njohur PP, në PTH në Prishtinë, janë të dhënat si në vijim:</p> <p><u>Armët</u> - në fund të periudhës raportuese, gjithsej kanë mbetur 13 raste të pazgjidhura. Për këtë kategori të veprave penale, rëndësi i është dhënë caktimit të kompetencës së rasteve ndërmjet Departamentit të Përgjithshëm dhe Departamentit për Krime të Rënda.</p>

Drogat - në fund të periudhës raportuese, gjithsej kanë mbetur 647 raste të pazgjidhura, ndërsa janë zgjidhur 57 lëndë. Për herë të parë, për këtë kategori të veprave penale, një (1) prokuror është caktuar koordinator. Koordinatori përcjellë çështjet penale lidhur me narkotikët, mban evidencë për numrin e rasteve, mbështet prokurorët tjerë më këshilla sipas nevojës, njofton sipas kërkesës Zyrën e Kryeprokurorit të Shtetit lidhur më këto raste, si dhe merr pjesë në takime, seminare apo trajnime lidhur me këto raste, duke respektuar udhëzimet e Kryeprokurorit të Shtetit. Koordinatori po ashtu do të ofrojë bashkëpunim dhe koordinim me mekanizma ndërinstitucionalë dhe ndërkombëtarë, me qëllim të rritjes së efikasitetit në luftimin e narko-kriminalitetit dhe ndjekjes së kryerësve të këtyre veprave penale. Sipas nevojës, Koordinatori do t'i ofrojë bashkëpunim Koordinatorit Nacional kundër Narkotikëve.

Korrupsioni - në fund të periudhës raportuese, gjithsej kanë mbetur 106 raste të pazgjidhura, ndërsa janë zgjidhur 19 lëndë.

Krimet ekonomike - në fund të periudhës raportuese, gjithsej kanë mbetur 156 raste të pazgjidhura, ndërsa janë zgjidhur 10 lëndë.

Trafikimi me njerëz - në fund të periudhës raportuese, gjithsej kanë mbetur 6 raste të pazgjidhura, ndërsa është zgjidhur 1 lëndë. Për këtë kategori të veprave penale, një (1) prokuror është caktuar koordinator. Koordinatori për rastet e trafikimit me qenieve njerëzore përcjell rastet e trafikimit më njerëz, mban evidencë për numrin e rasteve, mbështet prokurorët tjerë më këshilla sipas nevojës, njofton sipas kërkesës Zyrën e Kryeprokurorit të Shtetit lidhur më këto raste, si dhe merr pjesë në takime, seminare apo trajnime lidhur më këto raste, duke respektuar udhëzimet e Kryeprokurorit të Shtetit.

Kontrabandimi me migrant - në fund të periudhës raportuese, gjithsej kanë mbetur 26 raste të pazgjidhura.

Nxitja e urrejtjes - në fund të periudhës raportuese, gjithsej kanë mbetur 4 raste të pazgjidhura.

Sa i përket regjistrimit të lëndëve me kryerës të njohur PPN, në PTH në Prishtinë, janë të dhënat si në vijim:

Drogat - në fund të periudhës raportuese, gjithsej ka mbetur 2 raste të pazgjidhur.

Korrupsioni - në fund të periudhës raportuese, gjithsej kanë mbetur 334 raste të pazgjidhura, ndërsa janë zgjidhur 21 lëndë.

Krimet ekonomike - në fund të periudhës raportuese, gjithsej kanë mbetur 87 raste të pazgjidhura.

Trafikimi me njerëz - në fund të periudhës raportuese, gjithsej ka mbetur 1 rast i pazgjidhur.

Kontrabandimi me migrant - në fund të periudhës raportuese, është zgjidhur 1 rast.

11 Niveli i zbatimit të kërkesave nga Komisionet e Përhershme të Këshillit dhe nga vet KPK-ja?

Komento:

Sa i përket Komisioneve të Përhershme të Këshillit, është pranuar një kërkesë. E cila është trajtuar sipas kompetencës së Kryeprokurorit.

Të gjitha kërkesat e adresuara nga KPK-ja janë zbatuar përpikërisht dhe brenda afateve.

12 Performanca e prokurorëve në përdorimin e sistemit SMIL ?

Komento:

Pothuajse të gjithë prokurorët e PTFI në Prishtinë janë trajnuar në përdorimin e sistemit SMIL nga trajnerët respektivë. Përdorimi i sistemit është në nivele të mjaftueshme. Si sfidë kryesore mbetet përdorimi i sistemit SMIL gjatë kujdestarive, për shkak të vonesave në pranimin e shkresave nga policia dhe përcjelljen e tyre në gjykatë përmes sistemit. Veçanërisht, kjo pengesë shfaqet gjatë ditëve të kujdestarisë të cilat bien gjatë vikendit apo festave zyrtare, për shkak të mungesës së stafit administrativ për të regjistruar dhe procesuar shkresat përmes sistemit.

Edhe pse prokurorët përgjithësisht kanë nivel të mjaftueshëm të njohurive rreth sistemit SMIL, një pjesë e tyre vazhdimisht ndihmohen nga stafi mbështetës, të cilët janë trajnuar plotësisht në përdorimin efektiv të këtij sistemi.

Nga vlerësimi i përgjithshëm rreth përdorimit të sistemit SMIL, kemi verifikuar edhe nivelin e përdorimit të projektit SMIL nga vet prokurorët. Vlerësimi i prokurorëve është bërë duke i vlerësuar nga numri 1-10, andaj bazuar në këtë vlerësim edhe sot kemi këtë gjendje:

- 10 prokurorë që përdorin sistemin SMIL në mënyrë të avancuar;
- 11 prokurorë që janë përdorues të SMIL mbi mesataren,
- 9 prokurorë janë përdorues të SMIL me nivel nën mesataren, si dhe të tjerët kanë nevojë ende për asistencë shtesë.

Prokurorët që sot nuk e përdorin mjaftueshëm këtë sistem, kemi konstatuar se problemi kyq që mund të jetë pengesë është mosha, e që si pasojë e kësaj edhe aftësitë të tyre që të jenë përdorues të mirë të këtij sistemi është pak e vështirë, andaj edhe sot të njëjtit marrin ndihmë nga zyrtarët e sistemit SMIL-it.

Sfidat apo të arritura:

Komento:

Krahas rezultateve të arritura, Prokuroria Themelore në Prishtinë është ballafaquar me sfida të ndryshme, të cilat konsiderohet që janë kaluar me sukses, duke gjetur gjithnjë formën për trajtimin dhe adresimin e tyre. Ndër të tjera, sfidat kryesore me të cilat është ballafaquar Prokuroria gjatë periudhës raportuese janë:

- Greva një mujore e stafit administrativ ( muaji Mars),
- Trajtimi i rasteve të pranuar me ndërhyrje në kilometrazhe.
- Mospërputhja e kohës së pranimit të aktgjykimeve përmes sistemit SMIL dhe përmes formës fizike në Prokurori,
- Numri i madh i lëndëve të pranuar, të të gjitha natyrave;
- Trajtimi dhe zvogëlimi i lëndëve të natyrës të Krimeve Ekonomike dhe Korrupsion;
- Numri i madh i lëndëve të natyrës PPP (kryerës të panjohur) dhe trajtimi i tyre;
- Menaxhimi i procesit të punës në Sektorin e Shkrimoreve, mbështetur në ngarkesën e krijuar, ndërlidhjes së sistemeve me Policinë e Kosovës dhe numrin e vogël të stafit të angazhuar;

### III. ZBATIMI I OBLIGIMEVE SIPAS PLANIT TË PUNËS TË PROKURORISË SË SHPETIT

1	Objekti 1: Rritja e efikasitetit në trajtimin e rasteve penale me prioritet. Komento:
---	--



Me dt. 14 shkurt 2022 - Kryeprokurori i Prokurorisë Themelore në Prishtinë, Kujtim Muminishi dhe prokurorët të kësaj prokurorie, kanë mbajtur takim me përfaqësues nga Policia e Kosovës, me qëllim të ngritjes së bashkëpunimit ndërinstytucional dhe diskutimit të rezultateve për vitin 2021.

Nga muaji janar Njësitit i janë shtuar edhe dy prokurorë ndërsa dy të tjerë kanë kaluar në DKR.

Kryeprokurori çdo dy javë mban kolegji me prokurorët e dep. Përgjithshëm dhe me prokurorët e dep. Krime të Rënda dhe dep. për të Mitur, po ashtu vazhdimisht kërkon nga të gjithë që këtë vit të punojnë edhe më shumë, në mënyrë që të tregojmë efikasitet, të rrisim besimin e publikut, të bashkëpunojnë së bashku, e nëse duhet ndihmë të formohen grupe punuese në mënyrë që lëndët të trajtohen me kohë dhe në mënyrë sa më profesionale.

Për nevoja të forcimit të departamentit të Krimeve të Rënda dhe Njësitit kemi kërkuar të shtohet numri i prokurorëve në këto departamente.

Nga veprimet e lartcekura është shënuar një progres në trajtimin e lëndëve aktive brenda prokurorisë.

2 Objektivi 2: Fuqizimi i besimit të publikut në punën e Prokurorit të Shtetit.  
Komento:

Sa i përket periudhës raportuese, Prokuroria Themelore në Prishtinë ka hartuar në baza ditore raportin 24 orësh në kohë të paraparë dhe i është dërguar Zyrës për Informim në kuadër të Zyrës së Kryeprokurorit të Shtetit.

Raporti 24 orësh ka sjellë rezultat të shkëlqyeshëm në përmirësimin e komunikimit të brendshëm në Prokurorinë Themelore-Prishtinë, duke kontribuar në procesin e punës si element pozitiv, e po ashtu edhe në komunikimin e jashtëm, përmes publikimit të këtij raporti kemi arritur t'i servojim publikut informata lidhur me veprimtarinë 24 orëshe të PThP-së dhe jo vetëm për opinionin publik, por me veprimtarinë 24 orëshe njoftohet secili punëtor i Sistemit Prokurorial.

Gjate periudhës Janar-Mars 2022, prokuroria jone ka hartuar dhe lëshuar 12 komunikata/njoftime/sqarime, përfshirë edhe aktivitetet (takimet). Temat të cilat janë shtjelluar në këto komunikata janë si në vijim:

#### 1.) Reagim nga Prokuroria Themelore në Prishtinë

Prishtinë, 11 janar 2022- Prokuroria Themelore në Prishtinë, me qëllim të informimit të drejtë të opinionit, reagon lidhur me shkrimin e publikuar fillimisht në "Kosovapress" dhe në portale të tjera vendore se, prokuroria e çështjes e cila është duke e trajtuar rastin e zhdukjes së B.R., nuk ka dhënë sqarime dhe nuk ka qenë bashkëpunuese me familjarët e të dëmtuarit, ashtu që, ju njoftojmë se më 13 prill 2021, e njëjta është ngarkuar me rastin në fjalë dhe po të njëjtën ditë me urdhër të saj është ndaluar personi me inicialet J.V., i dyshuar për veprën penale "Rrëmbimi", të paraparë sipas KPRK-së, si dhe është dërguar në paraburgim.

## 2.) Reagim lidhur me shkrimin e publikuar për rastin e të miturve të cilët u bënë prindër

Prishtinë, 14 janar 2022- Prokuroria Themelore në Prishtinë, me qëllim të informimit të drojtë të opinionit, reagon lidhur me shkrimin e publikuar në portalin "Paparaci", me titull "*Hetimi konfuz i Prokurorisë për rastin e 13 vjeçares që u bë nënë në QKUK*", duke ju njoftuar se fillimisht prokurorja kujdestare nga Departamenti për të Mitur është njoftuar nga policia lidhur me këtë rast, ashtu që menjëherë ka ndërmarrë veprimet e nevojshme dhe me urdhër të njëjtës janë ndaluar dy (2) persona të dyshuar (prindërit e dy të miturve) për veprën penale "Bashkësia jashtëmartesore me personin nën moshën gjashtëmbëdhjetë vjet", nga neni 240 paragrafi 2, të Kodit Penal të Republikës së Kosovës, pasi dyshohen se të njëjtit kanë lejuar që të miturit të bashkëjetojnë në një bashkësi jashtëmartesore.

## 3.) Studentët e Fakultetit Juridik të UP-së vizituan Prokurorinë Themelore në Prishtinë

Prishtinë, 17 janar 2022 - Prokurorinë Themelore në Prishtinë e vizituan një grup studentësh nga "Klubi i Etikës", të Fakultetit Juridik të Universitetit të Prishtinës, të cilët kishin për qëllim njohjen në mënyrë të drejtpërdrejtë me këtë institucion. Kryeprokurori Munishi, fillimisht studentëve i shprehu mirëseardhje dhe e vlerësoi vizitën e tyre, turpje i njoftoi me funksionimin dhe efikasitetin e prokurorisë, sfidat, bashkëpunimin me institucionet relevante, si dhe të arriturat e kësaj prokurorie.

## 4.) Ndalohet një person për keqpërdorim të pozitës apo autoritetit zyrtar

Prishtinë, 20 janar 2022-Prokuroria Themelore në Prishtinë-Departamenti për Krime të Rënda, konkretisht Njësi për Krime Ekonomike dhe Korrupsion, ju njofton se pas një hetimi (disa muajor, në bashkëpunim me Policinë e Kosovës, ka ndaluar të dyshuarin L.J., zyrtar i TI-së në ShSKUK, për veprën penale "Keqpërdorimi i pozitës apo autoritetit zyrtar", nga neni 414 lidhur me nenin 31 të Kodit Penal të Republikës së Kosovës.

Dyshohet se i njëjti, në cilësinë e menaxherit të kontratës nga QKUK "*Furnizimi dhe montimi i sistemit të integruar të monitorimit me kamera dhe Integrimi i sistemit të kontrollit të qasjes*", ka kryer veprën penale të lartcekur.

## 5.) Diskutohet projekti regjional për krim serioz dhe krim të organizuar nga Ambasada Britanike me Prokurorinë Themelore në Prishtinë

Prishtinë, 09-10 shkurt 2022 - Në kuadër të projektit regjional për krim serioz dhe krim të organizuar nga Ambasada Britanike në Kosovë, është pritur në takim udhëheqësi i këtij projekti z. Chris Marshall nga Prokuroria Themelore në Prishtinë.

Takimet janë zhvilluar mes udhëheqësit të këtij projekti dhe Kryeprokurorit të Prokurorisë Themelore në Prishtinë, Kujtim Munishi, si dhe me prokurorin e Departamentit të Krimeve të Rënda, Armend Hamiti.

## 6.) Kërkohet paraburgim ndaj një personi për rastin e mashtrimit të qindra qytetarëve

Prishtinë, 14 shkurt 2022- Prokuroria Themelore në Prishtinë, konkretisht Departamenti i Përgjithshëm, ka paraqitur kërkesë për caktimin e masës së paraburgimit në Gjykatën Themelore në Prishtinë, ndaj të pandehurit Sh.C., në drejtim të veprave penale "Mashtrimi" dhe "Falsifikimi i dokumenteve", të parapara sipas Kodit Penal të Republikës së Kosovës, i cili me urdhër të prokurorit të shtetit, fillimisht është ndaluar në kohëzgjatje prej 48 orësh, për shkak të dyshimit se ka kryer veprat penale të lartcekura.

**7.) Prokuroria Themelore në Prishtinë diskuton rezultatet gjatë vitit 2021 dhe vazhdimin e bashkëpunimit me Policinë e Kosovës**

Prishtinë, 14 shkurt 2022 – Kryeprokurori i Prokurorisë Themelore në Prishtinë, Kujtim Munishi dhe prokurorë të kësaj prokurorie, kanë mbajtur takim me përfaqësues nga Policia e Kosovës, me qëllim të ngritjes së bashkëpunimit ndërinstitucional dhe diskutimit të rezultateve për vitin 2021.

**8.) Aktakuzë kundër dymbëdhjetë zyrtarëve policor dhe një qytetari**

Prishtinë, 17 shkurt 2022– Prokuroria Themelore në Prishtinë, njofton opinionin publik se Njësitë për Krime Ekonomike dhe Korrupsion, pas një punë të gjatë hetimore dhe intensive të udhëhequr nga prokurori i shtetit, më 16.02.2022, ka ngritur aktakuzë kundër dymbëdhjetë (12) zyrtarëve policor, si dhe një (1) qytetari, për vepra të ndryshme penale.

Sipas aktakuzës, i pandehuri B.J., zyrtar policor, ka kryer veprat penale “Blerja, posedimi, shpërndarja dhe shitja e paautorizuar e narkotikëve, substancave psikotrope dhe analoge”, “Keqpërdorimi i pozitës apo autoritetit zyrtar”, “Marrja e ryshfetit”, “Posedimi i paautorizuar i narkotikëve, substancave psikotrope ose analoge”, “Mbajtja në pronësi, kontroll ose posedim të paautorizuar të armëve”, “Keqtrajtimi gjatë ushtrimit të detyrës zyrtare ose autorizimeve publike”, “Lëndimi i lehtë trupor” dhe “Keqpërdorimi i informatës zyrtare”, të parapara sipas KPRK-së.

**9.) Ndalohet një person për vrasjen e 14 vjeçarit**

Prishtinë, 2 mars 2022– Prokuroria Themelore në Prishtinë, njofton opinionin publik se me aktvendim të prokurorit nga Departamenti për të Mitur, është ndaluar i dyshuari (i mitur), i moshës 15 vjeç, për shkak të dyshimit se më 01.03.2022, në Rr. “Fahri Fazliu”, në Prishtinë, ka privuar nga jeta tani të ndjerin (i mitur), i moshës 14 vjeç, me një mjet të nprehtë (thikë).

**10.) Diskutohet me institucionet relevante rritja e numrit të delikuentëve të mitur**

Prishtinë, 11 mars 2022– Kryeprokurori i Prokurorisë Themelore në Prishtinë, Kujtim Munishi, shoqëruar nga përgjegjësi i Departamentit për të Mitur, Fatmir Behrami, si dhe prokurorë të kësaj prokurorie kanë pritur në takim drejtorë të Drejtorive të Arsimit në regjionin e Prishtinës, përfaqësues nga Njësitë i Kibernetikës në Policinë e Kosovës, përfaqësues nga Qendra për Punë Sociale dhe Shërbimi Sprovues i Kosovës.

**11.) Aktakuzë me propozimin për paraburgim ndaj personit i cili dyshohet se ka kryer katër raste të vjedhjes**

Prishtinë, 24 mars 2022– Prokuroria Themelore në Prishtinë, konkretisht Departamenti i Përgjithshëm, ka ngritur aktakuzë kundër të pandehurit Sh.J., në drejtim të veprës penale “Vjedhja”, nga neni 313 të Kodit Penal të Republikës së Kosovës.

Injëti më 23.03.2022, është ndaluar me aktvendim mbi ndalim nga prokurori i shtetit, pasi gjatë muajve nëntor-dhjetor 2021 dhe shkurt-mars 2022, ka kryer katër vjedhje në një market dhe barnatore në komunën e Prishtinës.

**12.) Kërkohet paraburgim ndaj katër personave në rastin e sekuestrimit të 2.5 kg narkotikë**

Prishtinë, 25 mars 2022– Prokuroria Themelore në Prishtinë, konkretisht Departamenti i Krimeve të Rënda, ka paraqitur kërkesë për caktimin e masës së paraburgimit në Gjykatën Themelore në Prishtinë, ndaj të pandehurve A.H., E.Gj., Q.A. dhe E.Gj., në drejtim të veprës penale “Blerja, posedimi, shpërndarja dhe shitja e paautorizuar e narkotikëve, substancave psikotrope dhe analoge”, nga neni 267 lidhur me nenin 275 të Kodit Penal të Republikës së Kosovës.

	<p>Informimi për rastet me interes për publikun, përmes komunikatave/njohfimeve/sqarimeve dhe konferencave për media është dukshëm duke u rritur.</p> <p>Më tutje, publikimi i deklaratave në ueb-faqen e prokurorit të shtetit, reagimeve, mohimeve të lajmeve të pavërteta ka rezultuar në ngritje të besueshmërisë të publikut tek institucioni i Prokurorisë së Shtetit.</p>
3	<p><b>Objekti 3: Rritja e shkallës së sekuestrimit në funksion të konfiskimit përfundimtar të asetëve të fituara me vepër penale.</b> Komento:</p> <p>Në prokurori kemi krijuar një data-bazë e cila përmban në mënyrë të detajuar të gjitha rastet penale që kanë të përfshirë edhe procedurën e sekuestrimit dhe konfiskimit. Kemi caktuar dy koordinatorë nga dy Departamentet në DKR dhe DP të cilët kanë të angazhuar nga një bashkëpunëtorë profesional, të cilët bëjnë përditësimin e vazhdueshëm të këtyre rasteve që nga hapi i parë e deri në fazat përfundimtare.</p> <p>Lidhur me punën e prokurorisë kemi një komunikim direkt me zyrën e Kryeprokurorit të Shtetit përkatësisht me koordinatorin kombëtar dhe të njëjtit i raportojmë në mënyrë periodike lidhur me procedurat e sekuestrimit/konfiskimit.</p> <p>Për këtë periudhë janë paraqitur në DKR 6 kërkesa për sekuestrim, ndërsa në DP kemi pranuar gjithsej 11 kërkesa.</p>
4	<p><b>Objekti 4: Zvogëlimi i numrit të lëndëve në Prokurorinë e Shtetit.</b> Komento:</p> <p>Prokuroria Themelore në Prishtinë, mbështetur në të dhënat e gjeneruara, për periudhën Janar - Mars 2022, paraqet të dhënat si në vijim:</p> <ul style="list-style-type: none"> <li>- Lëndë të bartura nga muaji dhjetor 2021 janë 46.911 lëndë;</li> <li>- Lëndë të pranuar gjatë periudhës Janar -Mars vitit 2022 janë 2.565 lëndë ;</li> <li>- Lëndë të zgjidhura në këtë periudhë janë 2.185 lëndë;</li> <li>- Lëndë të papërfunduara me 01.04.2022 janë 47.661 lëndë;</li> </ul> <p>Kryeprokurori vazhdimisht ka kërkuar nga prokurorët që për lëndët e ndërlikuara të kërkojnë që lënda e tyre të punohet në grup punues, në mënyrë që të merret barra e përgjegjësisë nga një grup i prokurorëve dhe veprimet hetimore të përfundojnë me kohë.</p> <p>Prokuroria Themelore në Prishtinë ka të krijuara njësite të specializuara brenda strukturës së saj, në të cilat janë të angazhuar prokurorë të profilizuar në trajtimin e rasteve me natyrë më specifike siç janë krimet ekonomike, korrupsioni si dhe rastet e dhunës në familje. Kjo formë e organizimit bën që rastet e tilla të përfundojnë më shpejtë dhe iu jepet rëndësia maksimale.</p> <p>Po ashtu, Prokuroria Themelore në Prishtinë i ka dhënë prioritet aplikimit të procedurave alternative për ato raste penale kur plotësohen kushtet e përcaktuara me ligj, kjo ka rezultuar që edhe numri i lëndëve aktive të zvogëlohet.</p>

5	<p>Objektivi 5: Vlerësimi i rrezikut dhe planifikimi i vazhdimësisë së punës në pandemi. Komento:</p> <p>Në këtë periudhë kemi punuar me kapacitet të plotë, marrë parasysh që më nuk ka pasur plane të reduktiveve si pasojë e pandemisë.</p>
6	<p>Objektivi 6: Administrimi efikas, llogaridhënia dhe rritja e profesionalizimit: Komento:</p> <p>Fuqizimi i bashkëpunimit edhe me institucionet e tjera është në plan të parë për prokurorinë tonë pasi që thellimi i bashkëpunimeve ka rezultuar të jetë i dobishëm dhe ka sjellë rezultate pozitive në procesin e punës.</p> <p>Është thelluar bashkëpunimi me Policinë e Kosovës ashtu që përmes takimeve të rregullta kemi përmirësuar dukshëm bashkëpunimin dhe kemi arritur në ngritjen e profesionalizimit dhe mënjanimin të pengesave.</p> <p>Më tutje përmes komunikatave vazhdimisht kemi njoftuar publikun.</p> <p>Kryeprokurori edhe në këtë periudhë vazhdimisht ka kërkuar nga prokurorët raporte, njoftime lidhur me trajtimin e lëndëve, duke kërkuar që në mënyrë të vazhdueshme të përmirësojnë përpilimin e shkresave, vendimeve e ankesave të dërguara si në gjykatë ashtu edhe në Institucione të tjera.</p> <p>Për këtë periudhë përmes Udhëheqësve të departamenteve nga prokurorët kemi kërkuar raporte lidhur me prioritetet në lëndë në baza tre mujore, dhe atë :</p> <p><i>Rezultatet për tre (3) mujorin e parë të vitit 2022 (Janar, Shkurt, Mars);</i></p> <ul style="list-style-type: none"> <li><input type="checkbox"/> Caktimin e rasteve të cilat ata i vlerësojnë se janë me prioritet;</li> <li><input type="checkbox"/> Kronologjinë e rasteve me prioritet;</li> <li><input type="checkbox"/> Rastet për të cilat prokurorët kanë marrë aktvendim për fillim të hetimeve ose për të cilat do të marrin aktvendim për fillim të hetimeve;</li> <li><input type="checkbox"/> Objektivat për 3 mujorin e ardhshëm;</li> </ul>
7	<p>Objektivi 7: Aplikimi më efikas i proceduarave alternative në zgjidhjen e rasteve penale. Komento:</p> <p><u>Negocimi i marrëveshjes për pranimin e fajësisë.</u></p> <p>Duke parë rëndësinë e aplikimit të procedurës alternative të negociimit të marrëveshjes për pranimin e fajësisë, vazhdimisht jemi përkushtuar që në lëndët që plotësohen kushtet të aplikojmë përdorimin e kësaj procedure. Po ashtu, kemi filtruar përsëri me kujdes secilën kërkesë për negociim të marrëveshjes për pranim të fajësisë në mënyrë që të rritet kualiteti i këtyre rasteve.</p> <p>Gjatë periudhës raportuese, është arritur gjithsej një (1) marrëveshje për pranim të fajësisë:</p> <p><u>Ndërmjetësimi,</u></p>

Për PTH në Prishtinë, ndërmjetësimi edhe më tej mbetet një alternativë shumë e rëndësishme e cila mundëson zgjidhjen më të shpejtë të lëndëve, jep rezultate më të shpejta, ka kosto më të ulët dhe fleksibilitet më të madh dhe ndikon drejtpërsëdrejti në ruajtjen e marrëdhënieve mes palëve.

Për periudhën Janar-Mars 2022, në zyrën e ndërmjetësimit janë referuar 93 lëndë ndërsa janë zgjidhur (89) lëndë, me 217 persona.

#### Pezullimi i përkohshëm i procedurës,

Në periudhën Janar Mars 2022, janë zgjidhur gjithsej 6 lëndë me 950 euro, të cilat janë dërguar në fondin e viktimave të krimit.

8

Objektivi 8: Bashkëpunimi vendor dhe ndërkombëtar i Prokurorit të Shtetit:

Komento:

Gjatë periudhës raportuese, Kryeprokurori dhe prokurorët kanë pasur bashkëpunim të ngushtë me Institucionet vendore dhe ndërkombëtare.

#### Bashkëpunimi me institucione vendore

Prokuroria Themelore në Prishtinë me dt. 14 shkurt 2022 diskuton rezultatet gjatë vitit 2021 dhe vazhdimin e bashkëpunimit me Policinë e Kosovës, Kryeprokurori i Prokurorisë Themelore në Prishtinë, Kujtim Munishi dhe prokurorë të kësaj prokurorie, kanë mbajtur takim me përfaqësues nga Policia e Kosovës, me qëllim të ngritjes së bashkëpunimit ndërinstitucional dhe diskutimit të rezultateve për vitin 2021.

Diskutohet me institucionet relevante rritja e numrit të delikuentëve të mitur me dt. 11 mars 2022- Kryeprokurori i Prokurorisë Themelore në Prishtinë, Kujtim Munishi, shoqëruar nga përgjegjësi i Departamentit për të Mitur, Fatmir Behrani, si dhe prokurorë të kësaj prokurorie kanë pritur në takim djejtore të Drejtorive të Arsimit në regjionin e Prishtinës, përfaqësues nga Njësi i Kibernetikës në Policinë e Kosovës, përfaqësues nga Qendra për Punë Sociale dhe Shërbimi Sprovues i Kosovës.

#### Bashkëpunimi me institucione ndërkombëtare

Diskutohet projekti regjional për krim serioz dhe krim të organizuar nga Ambasada Britanike me Prokurorinë Themelore në Prishtinë me dt. 09-10 shkurt 2022 - Në kuadër të projektit regjional për krim serioz dhe krim të organizuar nga Ambasada Britanike në Kosovë, është pritur në takim udhëheqësi i këtij projekti z. Chris Marshall nga Prokuroria Themelore në Prishtinë.

Takimet janë zhvilluar mes udhëheqësit të këtij projekti dhe Kryeprokurorit të Prokurorisë Themelore në Prishtinë, Kujtim Munishi, si dhe me prokurorin e Departamentit të Krimeve të Rënda, Armend Hamiti.

#### Procedurat e zhvilluara me Ndihmë Juridike Ndërkombëtare

Edhe në këtë periudhë kujdes të veçantë i është kushtuar rasteve me kërkesa ndërkombëtare, duke ndarë si përgjegjësi shtesë për zyrën e kryeprokurorit që çdo kërkesë e natyrës urgjente dhe të tjera t'u ndihmojë prokurorëve, të njëjtat t'i vë në pah që të trajtohen sa më shpejtë, duke ofruar ndihmë profesionale. Prokuroria Themelore Prishtinë ka të caktuar dy (2) koordinator për Bashkëpunim Juridik Ndërkombëtarë. Përmes këtij përkushtimi si prokurori kemi pranuar vlerësime pozitive edhe nga Institucionet e tjera.

Në këtë periudhë kemi pranuar gjithsej 12 kërkesa për bashkëpunim juridik ndërkombëtarë të cilat jemi munduar t'i përfundojmë në afate sa më të shpejta.

IV. KËRKESAT SPECIFIKE TË KPK-së, (për periudhën e konkrete të shenjëzuar të raportimit)

1	
2	
3	
4	
5	
6	
7	
8	

V. ASPEKTE ADMINISTRATIVE:

Raportimi	Periudha kohore për të cilën raportohet	Shenjëzimi
I parë:	Nga 1 janar deri më 31 mars të çdo viti	<input checked="" type="checkbox"/>
I dytë:	Nga 1 prill deri më 30 qershor të çdo viti	<input type="checkbox"/>
I tretë:	Nga 1 korrik deri më 30 shtator të çdo viti	<input type="checkbox"/>
I katërt:	Nga 1 tetor deri më 31 dhjetor të çdo viti	<input type="checkbox"/>

Këshilli Prokurorial i Kosovës ka kërkuar nga Kryeprokurori që të dorëzoj raportin:	Kryeprokurori e ka dorëzuar raportin në Këshill (para raportimit):
Me datë: _____	Me datë: _____ 13.02.022 _____



Republika e Kosovës/ Republika Kosovo / Republic of Kosovo  
Prokurori i Shtetit / Državni Tužilac / State Prosecutor

PROKURORIA THEMELORE PRISHTINË  
OSNOVNO TUŽILAŠTVO

DEPARTAMENTI Zyra e Kryeprodimit  
DEPARTMAN

Shenja e kërkesës \_\_\_\_\_  
Oznaka zahteva \_\_\_\_\_

**FLETËDËRGESË PËR DORËZIM PERSONAL - DOSTAVNICA ZA LIČNO URUČENJE**

Marrësi: Jetish Maloku  
Primalac: Kryesues në KPK-nc

Titulli i shkresës që dorëzohet :  
Naziv spisa koji se dostavlja:  
Raporti janar - mars 22 -

1. Pasi marrësi nuk u gjet në vendin ku duhej të dorëzohet shkresa, dorëzimi u bë duke iu dhënë shkresa anëtarëve madhor të familjes së marrësit, kujdestarit të ndërtesës, fqit, personit që gjendet i inkuadruar në punë në të njëjtin vend.

2. Pasi marrësi ose pjestari i familjes së tij e ka refuzuar marrjen e shkresës, shkresa u la në banesë, në vendin e punës së marrësit (duke ngjitur në derën e banesës ose të lokalit ku gjendet në punë marrësi).

1. Pošto primalac nije naden na mestu gde je trebao spis da se uručuje, spis je dostavljen punoletnim članovima porodice primaoca - staratelju zgrade, komšiji, licu koji se nalazi na istom radnom mestu
2. Pošto je primalac ili član njegove porodice odbio primanje spisa, spis mu je ostavljen u stanu, radnom mestu primaoca (postavljajući to na vrata stana ili lokala gde se primalac poslom nalazi).

Më \_\_\_\_\_ në ora \_\_\_\_\_  
Dana \_\_\_\_\_ u časova \_\_\_\_\_

Shkaku i refuzimit \_\_\_\_\_  
Razlog odbijanja \_\_\_\_\_

Nënshkrimi i dorzësuesit - Potpis dostavljača \_\_\_\_\_

Numri i shtojcave: \_\_\_\_\_  
Broj priloga: \_\_\_\_\_

Vërtetohet se mora shkresën e lartpërmendur më (me fjalë)  
Potvrđujem da sam uzeo gorenavedeni spis (rečima)

Nënshkrimi i marrësit - Potpis primaoca  
19.05.2022 [Signature]

Nënshkrimi i dorzësuesit - Potpis dostavljača \_\_\_\_\_

Të panevojshme ve bjeru vizë - Nepotrebiti dec precrtaiti

Në rast se marrësi është analfabet ose nuk është në gjendje të nënshkruaj, nënshkruan dërguesi duke shënuar shkakun pse marrësi nuk ë vuri nënshkrimin e vet.

U slučaju da je primalac nepismen ili nije u stanju da se potpiše, potpisuje ga dostavljač s napomenom zašto primalac nije stavio svoj potpis.